

Mientras cu MEP ta atende problema interno tambe

Informador proyecto Namdar cu funcion halto na Waf

* Edwin Jacobs di Parlamento pa posicion na A.P.A.

*Ora pa decision acuerdo Royal Caribbean a yega

ORANJESTAD(AAN)— E informacion cu Edwin Jacobs, miembro di e fraccion di MEP den Parlamento, lo bay traha como Sub Director na APA, a worde mira na promer instancia solamente den totalidad di problema interno cu MEP ta pasa aden. Sinembargo, den e caso aki por tin mucho mas. Pa Jacobs asumi e funcion di 30 Mil Florin pa luna, e mester bandona Parlament, loke lo crea un problema pa MEP. Tin otro asunto pendiente den APA, cu ta e acuerdo basico cu Gobierno/APA mester a firma cu Royal Caribbean, cu a desaparece for di noticia. Nunca a mira un prueba cu Royal Caribbean no ta socio mas di Namdar, cu supuestamente autoridad na Aruba ta investiga. Den e investigacion, si e ta andando ainda, mester haya claridad ki posicion Edwin Jacobs tabata tin den e totalidad, pasobra segun e carta di Liesje, Jacobs tabata encarga pa manda boletinnan encunto e proyecto Namdar na comerciantenan local.

Cada informe cu bini di

Gobierno, ta crea mas confusion y mester investiga y profundiza pa yega na esencia di loke ta pasa.

Segun informacion, Edwin Jacobs lo bira Sub Director di Aruba Ports Authority pa un sueldo gigantesco. E motibo lo ta cu Ministro Presidente Nelson Oduber lo no tin confianza mas den Alfonso Boekhoudt.

kende abiertamente a admiti cu Namdar tabata den e proyecto di 'waf. Hasta Boekhoudt a bay den shock ora el a tende cu Namdar a manda carta di soborno.

Sinembargo, Ministro Presidente Nelson Oduber mester tin confianza den Boekhoudt, cu a bay cune China Comunista y na Aruba ta atende e loke a atende cu China Comunista encunto

haf y waf di Aruba. Pues tanto desconfianza Ministro Presidente Oduber no por tin den Boekhoudt.

DIARIO, revisando documentonan den investigacion, a topa cu e ultimo informenan cu tabata tin encunto e proyecto Royal Caribbean/Namdar, cu ta sigui haya e nomber aki pasobra te awor no a worde proba con a saca Namdar di e proyecto, ya cu pa legalmente por kibra un acuerdo cu Namdar mester demostra cu e ta culpabel di algo. Y te ainda esey no ta e caso.

Segun ultimo informacionnan cu tabata tin di e proyecto Namdar/Royal Caribbean, a worde indica cu e proyecto no a worde cancela pero a pospone firmamento

di e acuerdo basico pa dos luna. E periodo ta termina awor.

Ta coincidencia cu awor Edwin Jacobs ta worde nombra pa un sueldo, cu ta mas cu un Ministro, na APA? Jacobs ta e persona, cu segun e miembro di personal di Parlamento cu tabata manda informacion ariba Namdar pa negociantenan Hindu haciendo uso di su titulo di funcion den Parlamento, tabata Edwin Jacobs cu mester a sigui informa comerciantenan.

Den e carta di Liesje, a worde muestra claramente cu Jacobs tabata encarga cu boletinnan cu periodicamente lo mester a mira luz pa informa ariba e proyecto Namdar. Esey ta crea e impresion firme, cu

Jacobs mester tabata na altura di e proyecto di Royal Caribbean/Namdar, cu autoridad mester ta investiga pasobra tabata tin un carta cu a propone MEP Un Mijon como contribucion di campaña 2005 pa nan por bolbe den Gobierno y realiza e proyecto.

Exactamente awor cu e periodo di Royal Caribbean/Namdar ta bira interesante, ta anuncia cu Jacobs lo bira Director Interino di autoridad di haf. Esey ta nifica cu e ta e persona, cu mester a bira informador publico di e proyecto, ta den haf.

Un desaroyo nobo den Parlamento, pero tambe den proyectonan di waf. Mientrastanto ainda no ta conoci kico a pasa cu Un Mijon, cu Namdar a ofrece. E dos personanan cu Ministerio Publico a scucha den e caso aki, ta cana libremente y te ainda no a tende kico a pasa cu e dos testigonan cu a mira Marisol tuma e carta den cual Namdar ta ofrece e placa.

Pero talbez pronto mas lo sali den publicidad awor cu e informador di e proyecto a haya un funcion halto na APA.

PARLAMENTO TA PESTA DI DIABEL!!



BEST DEAL

Tel: 5827100

(Pariba di Aruba Bank, Paradera)



Kleurboek
Afl. 2,50